

مجلس بندار ايا إسكندر ڤوتنري



Bil.1/2020 UKPA

Laman Web : www.m bip.gov.my | E-mel : admin@m bip.gov.my



PROGRAM PERHIMPUNAN PAGI & AMANAH DATUK BANDAR MAJLIS BANDARAYA ISKANDAR PUTERI



- PROGRAM MERAIKAN KEDATANGAN PELANCONG KE NEGERI JOHOR SEMPENA VISIT JOHOR
- SESI DIALOG 'TOWN HALL' MBIP PEMANGKIN DALAM PEMBANGUNAN KEPENTINGAN KEMUDAHAN GOLONGAN KELAINAN UPAYA (OKU) DENGAN KERJASAMA PERTUBUHAN IBU BAPA ANAK-ANAK ISTIMEWA
- KUNJUNGAN HORMAT KETUA POLIS JOHOR KE MBIP



@mbip



019 7555404



MBIP - Majlis Bandaraya Iskandar Puteri



Hotline Call Centre 1-300-80-5000

SIDANG EDITOR

PENASIHAT

Haji Salehuddin bin Haji Hassan
Datuk Bandar

Puan Azurawati binti Wahid
Setiausaha

KETUA EDITOR

Puan Salwa binti Abd. Rashid

EDITOR

Cik Maizatul Akmar binti Rabudin

SIDANG EDITOR

Encik Ahmad Farid bin Amir Hamzah
Puan Farahidah binti Mohamad Aris
Puan Siti Rafidah binti Idris
Cik Norlin binti Haji Mohd Zam
Cik Rahila binti Anang Berahim
Puan Hajah Zurina binti Ibrahim
Puan Antasya binti Mohamed
Encik Fakhrul Anuar bin Salleh
Encik Mohamad Asni bin Zainal
Puan Noradah binti Amir
Cik Nur Fazira binti Mohd. Isa
Encik Abd. Halim bin Mohd Sulaiman

PEREKA

Encik Al-Imran bin Ariffin

JURUFOTO

Encik Mohd. Farithrizal bin Md. Zain

PENERBIT

Unit Korporat dan Perhubungan Awam
Majlis Bandaraya Iskandar Puteri
81300 Skudai, Johor.

Telefon : 07-5555000
Call Centre : 1300 80 5000
Faks : 07-5567831
Emel : admin@mbip.gov.my
Whatsapp Aduan : 019 7555404
Twitter : @MBIP
Facebook : Majlis Bandaraya Iskandar Puteri (MBIP)

ISI KANDUNGAN

PERISTIWA

PROGRAM MERAIKAN KEDATANGAN
PELANCONG KE NEGERI JOHOR SEMPENA
VISIT JOHOR [03]

LAWATAN TAPAK PENG AUDITAN
PENGURUSAN LESEN INDUSTRI MBIP [03]

PROGRAM PERHIMPUNAN PAGI [04]

PROGRAM BANGSA JOHOR BAHAGIA [05]
HARI TERAKHIR PERSARAAN TUAN HAJI
YAHYA BIN HASSAN KETUA JABATAN
KEJURUTERAAN, MBIP [05]

PROGRAM "TACKLING CLIMATE
EMERGENCY" [06]

SESI SERAHAN BORANG DAN PENDAFTARAN
PERMOHONAN PETAK BAZAR RAMADAN [06]

PROGRAM PERHIMPUNAN PAGI [07]

OPERASI KAWALAN ANJING LIAR [07]

LAWATAN KERJA MAJLIS BANDARAYA
ISKANDAR PUTERI KE MAJLIS
PERBANDARAN AMPANG JAYA [08]

TAKLIMAT DAN PROSES UNDIAN PETAK
BAZAR RAMADAN 2020 [08]

SESI DIALOG 'TOWN HALL' MBIP
PEMANGKIN DALAM PEMBANGUNAN
KEPENTINGAN KEMUDAHAN GOLONGAN
KELAINAN UPAYA (OKU) DENGAN
KERJASAMA PERTUBUHAN IBU BAPA ANAK-
ANAK ISTIMEWA [09]

SEMINAR PEMANTAPAN PEMAHAMAN
MANUAL OSC 3.0 PLUS KEPADA PIHAK
BERKUASA TEMPATAN BAGI NEGERI JOHOR [09]

MESYUARAT JAWATANKUSAU PELAKSANAAN
BANCI PENDUDUK DAN PERUMAHAN [10]
MALAYSIA 2020 DAERAH (JKPBD) JOHOR
BAHRU 2

MAJLIS PERASMIAN "NOBLE SUPERMART"
CAWANGAN KE-10 [10]

KUNJUNGAN HORMAT KETUA POLIS JOHOR
KE MBIP [10]

OPERASI TINDAKAN SITAAN [11]

LAWATAN KERJA DEWAN BANDARAYA KUALA
LUMPUR (DBKL) KE MBIP [11]

HARI TERAKHIR PERSARAAN PUAN HAJAH
MARIAM BINTI HAJI AHMAD
KETUA JABATAN KHIDMAT PENGURUSAN,
MBIP [12]

SARINGAN KESIHATAN DI PEJABAT MAJLIS
BANDARAYA ISKANDAR PUTERI [12]

OPERASI SANITASI DI BANGUNAN MBIP [13]

OPERASI PEMANTAUAN PREMIS
PERNIAGAAN [14]

DISINFEKSI BERJADUAL DI PASAR AWAM
TAMAN UNIVERSITI DAN PASAR AWAM
TAMAN PERLING [14]

KEMASYARAKATAN

PROGRAM GOTONG-ROYONG PERDANA [15]

PROGRAM GOTONG-ROYONG BERSAMA
PENYEWIA DI GERAI JALAN PEKAKA, TAMAN
PERLING [15]

HANDS ON TATACARA PEROLEHAN
KERAJAAN [16]

LATIHAN MENEMBAK DAN MEMPERBAHARUI
LESEN SENJATA API [16]

KURSUS PENGENALAN MS ISO 9001:2015 [16]
KURSUS PENGURUSAN PEROLEHAN
KERAJAAN [17]

KURSUS PENTAULIAHAN PENYELAMAT
KELEMASAN [17]

KURSUS MICROSOFT OFFICE (WORD, POWER
POINT & EXCEL) [17]

BENGKEL PELAN PERANCANGAN STRATEGIK
MBIP 2021-2025 SIRI IV DAN V [17]

KURSUS INTEGRITI: TUMBUK RUSUK SIRI 1
DAN 2 [18]

BENGKEL PELAN PERANCANGAN STRATEGIK
MBIP 2021-2025 [18]

KURSUS MOTIVASI : PENGURUSAN STRESS [18]

SUKAN

KEJOHANAN BADMINTON BERPASUKAN
LELAKI ANTARA JABATAN DAN BEREGU
WANITA TERBUKA MAJLIS BANDARAYA
ISKANDAR PUTERI 2020 [19]

ZOOM

KAKITANGAN BERSARA [20]

PELANTIKAN KAKITANGAN BAHARU BERTARAF
(TETAP/KONTRAK) BAGI BULAN OKTOBER
DAN NOVEMBER 2019 [20]

PROGRAM MERAIKAN KEDATANGAN PELANCONG KE NEGERI JOHOR SEMPENA VISIT JOHOR

Oleh: Editor



Program Meraikan Kedatangan Pelancong ke Negeri Johor sempena Visit Johor 2020 telah diadakan pada 1 Januari 2020 di Terminal Feri Antarabangsa Pengkalan Puteri, Iskandar Puteri. Program telah diserikan lagi dengan kehadiran YBhg Tuan Haji Salehuddin bin Haji Hassan, Datuk Bandar MBIP dan diiringi oleh Puan Azurawati binti Wahid, Setiausaha MBIP. Kedatangan pelancong dari Indonesia telah disambut baik oleh ketua-ketua jabatan dengan paluan kompang dan diiringi dengan bunga manggar dari bot menuju ke pintu masuk jeti.

LAWATAN TAPAK PENGAUDITAN PENGURUSAN LESEN INDUSTRI MBIP

Oleh : Hajah Zurina binti Haji Ibrahim

Jabatan Audit Negara (JAN) Cawangan Negeri Johor telah melaksanakan kerja-kerja pengauditan berkenaan Pengurusan Lesen Industri Majlis Bandaraya Iskandar Puteri yang diadakan pada 10 November 2019 hingga 31 Disember 2019. Bagi melengkapkan skop pengauditan, satu sesi lawatan tapak telah dilaksanakan selama 3 hari iaitu pada 6 hingga 8 Januari 2020 di kawasan perindustrian MBIP. Tujuan lawatan tersebut diadakan untuk mengesahkan ketepatan maklumat dan pelaksanaan aktiviti perniagaan berdasarkan syarat-syarat dan peraturan yang telah ditetapkan.

Sesi lawatan tapak ke atas 80 premis perniagaan industri di kawasan pentadbiran Majlis Bandaraya Iskandar Puteri telah diketuai oleh Encik Mohd Serjana bin Ibrahim, Pengarah Audit Negeri Johor dan dibantu oleh Encik Mohd Shahril bin Yahya, Timbalan Pengarah JAN, Puan Noor Mazni binti Ahmad, Puan Rokiah binti Sanusi, Puan Maryatul Syina binti Hamdan dan Puan Zauyah binti Daud. Lawatan tersebut telah melibatkan Jabatan Kesihatan Awam, Jabatan Perancangan Pembangunan, Jabatan Bangunan, Jabatan Penguatkuasaan dan Unit Audit Dalam, MBIP.



Orientus Industry Sdn.bhd.
No 4, 6, dan 8 Jalan Dato' Yunus 1, Taman Perindustrian
Dato' Yunus Sulaiman



KS Furniture Interior Decoration
No 5, Jalan Dato' Yunus 5, Taman Perindustrian Dato' Yunus
Sulaiman



KW H&H Furniture Interior Design
No 8, Jalan Dato' Yunus 2, Taman Perindustrian Dato' Yunus
Sulaiman

PROGRAM PERHIMPUNAN PAGI

Oleh: Mohamad Asni bin Zainal

Program Perhimpunan Pagi Majlis Bandaraya Iskandar Puteri telah diadakan pada 6 Januari 2020 (Isnin) dan melibatkan seramai 451 orang kakitangan. Program dimulakan dengan nyanyian Lagu Bangsa Johor, Negaraku, Bandaraya Iskandar Puteri dan diteruskan dengan bacaan doa oleh Encik Mohamed Hisham bin Aziz bagi memberkati perjalanan majlis. Sebagai pembuka tirai tahun baru, bacaan Ikrar dan Aku Janji Perakuan Akta Rahsia Rasmi 1972 telah diadakan dan diketuai oleh Encik Azrullail bin Masijan, Ketua Bahagian Sumber Manusia, MBIP.

YBhg. Tuan Haji Salehuddin bin Haji Hassan, Datuk Bandar Iskandar Puteri telah menyampaikan amanat beliau sempena tahun baru. Antara perkara penting yang disampaikan ialah penjawat awam perlu lengkap dengan ilmu pengetahuan supaya dapat menjalankan tugas dengan sebaik mungkin. Selain itu, beliau turut meminta kakitangan untuk bermuhasabah dan menilai kembali apa yang telah dilakukan sepanjang tahun 2019. Beliau harap kakitangan perlu mengambil kesempatan pada tahun 2020 ini untuk mengorak langkah dan perlu memasang tekad dan iltizam pada tahun 2020 ini untuk membuat yang terbaik untuk diri sendiri.

Beliau mengucapkan tahniah kerana MBIP telah berjaya mendapat prestasi kutipan hasil yang cemerlang dan berharap pelantikan kontraktor terutamanya bagi kerja-kerja penyelenggaraan dapat dilaksanakan dengan segera. Akhir kata, sebagai warga MBIP, persekitaran rumah haruslah dijaga dengan sebaik mungkin dan bersih kerana membawa imej organisasi. Jangan sampai persekitaran rumah sendiri menjadi tempat pembiakan nyamuk aedes kerana sepatutnya diri sendiri mempunyai kesedaran tentang perkara-perkara yang berkait dengan tugas juga tanggungjawab sesebuah PBT.

Majlis kemudiannya diteruskan dengan sesi “town hall” yang dikendalikan oleh Encik Azrullail bin Masijan, Ketua Bahagian Sumber Manusia. Pada sesi kali ini, beliau telah memaklumkan maklum balas bagi isu dan cadangan yang diutarakan pada sesi lepas dan membacakan isu baru yang dibangkitkan serta cadangan lain yang diberikan oleh kakitangan.

Selesai sahaja sesi “town hall”, Encik Azrullail bin Masijan telah membuat pengumuman bagi waktu bekerja fleksible di MBIP dengan waktu mula kerja seawal 7.30 pagi hingga selewatnya 9.00 pagi serta mengingatkan kakitangan yang lain bahawa waktu bekerja kekal 9 jam pada hari biasa manakala 7 jam 30 minit bagi hari Khamis.



PROGRAM BANGSA JOHOR BAHAGIA

Oleh : Editor

Menjunjung Kasih atas Keberangkatan Duli Yang Maha Mulia Raja Zarith Sofiah binti Almarhum Sultan Idris Shah Pemaisuri Johor ke Anjung Jentayu Sempena Program Bangsa Johor Bahagia pada 15 Januari 2020 di Rumah Pangsa Bandar Baru, Kangkar Pulai.



HARI TERAKHIR PERSARAAN TUAN HAJI YAHYA BIN HASSAN KETUA JABATAN KEJURUTERAAN, MAJLIS BANDARAYA ISKANDAR PUTERI

Oleh : Editor

Tuan Haji Yahya bin Hassan telah dilahirkan pada 07 Januari 1969. Beliau memulakan karier sebagai Juruteknik di Pejabat Daerah Johor Bahru mulai 02 Ogos 1986 dan pada 01 Ogos 2000 diarah bertukar ke Pejabat JKR (D) Johor Bahru kerana dilantik sebagai Pembantu Teknik Gred J5 secara KPSL.

Kemudian beliau dilantik ke jawatan Pembantu Teknik bertaraf Tetap di MDJBT mulai 1 Oktober 2000. Pada 1 Februari 2009 beliau telah dilantik sebagai Jurutera Gred J41 dan seterusnya pada 1 Jun 2012 telah dinaikkan pangkat ke jawatan Jurutera Gred J44.

Beliau juga telah dikurniakan Tambang Haji Percuma dan telah menunaikan Fardhu Haji pada tahun 2005. Pencapaian dan sumbangan beliau semasa berkhidmat di MBIP telah melayakkan beliau untuk menerima Sijil Penghargaan dan Anugerah Perkhidmatan Cemerlang semasa Anugerah Hari Kualiti bagi tahun 2005, 2006, 2012 dan 2015.

Beliau telah memilih untuk bersara secara pilihan pada 1 Februari 2020 pada umur 55 tahun. Jawatan terakhir beliau ialah Jurutera Gred J48 dan Jabatan Kejuruteraan merupakan jabatan terakhir tempat beliau bertugas. Tempoh perkhidmatan beliau ialah 33 tahun 5 bulan 30 hari.



PROGRAM "TACKLING CLIMATE EMERGENCY"

Oleh: Editor

Program "Tackling Climate Emergency" telah diadakan pada 18 Januari 2020 di Sireh Park, Iskandar Puteri. Program ini merupakan program di bawah MCIS LIFE bagi memberi kesedaran kepada masyarakat berkaitan kepentingan untuk memelihara dan memulihara alam sekitar agar seimbang dengan pembangunan semasa.



SESI SERAHAN BORANG DAN PENDAFTARAN PERMOHONAN PETAK BAZAR RAMADAN BAGI TAHUN 2020

Oleh : Nurshahida Hanim binti Mohd Yusof

Bahagian Pelesenan MBIP telah mengadakan sesi serahan borang dan pendaftaran permohonan Bazar Ramadan 2020 pada 29 dan 30 Januari 2020 di Dewan Serbaguna MBIP, Skudai. Seramai 30 kakitangan Bahagian Pelesenan dan 10 orang kakitangan Jabatan Penguatkuasaan, MBIP telah terlibat semasa proses serahan ini dijalankan.

Bagi Bazar Ramadan tahun 2020, sebanyak 11 tapak bazar di bawah anjuran MBIP telah ditawarkan kepada peniaga iaitu dengan jumlah petak yang disediakan adalah sebanyak 714 petak.

Senarai tapak Bazar Ramadan yang ditawarkan adalah sebagaimana berikut:

- i) Jalan Layang 16, Taman Perling
- ii) Jalan Perwira 19, Taman Ungku Tun Aminah
- iii) Jalan Jasa 26, Taman Mutiara Rini
- iv) Jalan 2, Taman Perumahan Rakyat Lima Kedai
- v) Jalan Kemuliaan 2, Taman Universiti
- vi) Jalan Medan Nusa Perintis 2, Taman Nusa Perintis
- vii) Jalan Kebudayaan 16, Taman Universiti
- viii) Jalan Pulai Harmoni 1, Kangkar Pulai
- ix) Jalan Emas 1, Taman Sri Pulai
- x) Jalan PI 1/2 , Taman Pulai Indah
- xi) Jalan Batai, Taman Sri Pulai



PROGRAM PERHIMPUNAN PAGI

Oleh: Mohamad Asni bin Zainal

Program perhimpunan pagi telah diadakan pada 3 Februari 2020 di Dewan Serbaguna Skudai. Penggiliran ucapan oleh Ketua-ketua Jabatan / Bahagian / Unit telah kembali dan giliran Ketua Jabatan pada perhimpunan kali ini ialah Encik Ruziman bin Rahmat, Ketua Jabatan Penguatkuasaan yang telah berkongsi berkaitan Pelaksanaan Pelan Integriti Sektor Awam. Beliau memaklumkan bahawa integriti seorang penjawat awam perlulah melaksanakan tugas dengan amanah dan kuasa yang diberikan untuk kepentingan umum agar tidak disalahgunakan untuk kepentingan diri serta memberikan keutamaan kepada kepentingan awam apabila berlaku konflik. Selain itu, faktor-faktor yang menjelaskan integriti adalah terdiri daripada individu, kepimpinan, budaya, struktur dan institusi merujuk kepada matlamat yang tidak jelas, sistem dan prosedur merujuk kepada kurang ketelusan, penguatkuasaan dan pemantauan.

Beliau turut menyampaikan faktor-faktor berlakunya rasuah, elemen-elemen pelan tindakan penambahbaikan serta faktor penentu kejayaan yang terdiri daripada kepimpinan berteladan, dasar yang utuh dan matlamat yang jelas, pendidikan berterusan, komunikasi berkesan, persekitaran kondusif, kerjasama jentera politik dan pentadbiran, perundangan berkesan dan kehakiman bebas, kecukupan dan kecekapan sumber dan kesediaan individu untuk berubah sebagai penutup ucapan beliau.

Usai ucapan oleh beliau, perhimpunan diteruskan dengan majlis penyampaian insentif kepada anak-anak kakitangan yang cemerlang dalam peperiksaan Sijil Darjah Khas Agama (SDKA), Ujian Pencapaian Sekolah Rendah (UPSR), Pentaksiran Tingkatan 3 (PT3) dan Sijil Pelajaran Malaysia (SPM).

Majlis kemudiannya diteruskan dengan sesi "town hall" yang diurussetiakan oleh Encik Azrullail bin Masijan, Ketua Bahagian Sumber Manusia. Pada sesi kali ini, beliau telah memaklumkan maklum balas bagi isu dan cadangan yang diutarakan pada sesi lepas dan yang telah diletakkan dalam peti cadangan dan membacakan isu baru yang dibangkitkan serta cadangan lain yang diberikan oleh kakitangan.

Selesai sahaja sesi "town hall", majlis diteruskan lagi dengan sesi perkenalan kakitangan baharu yang dilantik.



OPERASI KAWALAN ANJING LIAR

Oleh: Siti Rafidah binti Idris

Pada 12 Februari 2020, Jabatan Kesihatan Awam dan kontraktor yang dilantik oleh Majlis Bandaraya Iskandar Puteri telah menjalankan operasi kawalan anjing liar di sekitar Taman Teknologi 2 dan Taman Laman Setia mengikut aduan yang diterima oleh penduduk di kawasan sekitar. Operasi yang dijalankan telah berjaya menangkap 5 ekor anjing liar di Taman Teknologi 2 manakala 3 ekor anjing liar di Taman Laman Setia.



LAWATAN KERJA MAJLIS BANDARAYA ISKANDAR PUTERI KE MAJLIS PERBANDARAN AMPANG JAYA

Oleh: Norlin binti Haji Mohd Zam

Unit Undang-Undang MBIP telah mengadakan lawatan kerja ke Majlis Perbandaran Ampang Jaya pada 13 Februari 2020 dengan melibatkan seramai 10 orang pegawai dan kakitangan dari MBIP serta 12 orang kakitangan MPAJ. Pihak MBIP telah disambut baik oleh Tuan Haji Hasrolnizam bin Shaari, Setiausaha Majlis Perbandaran Ampang Jaya (MPAJ), Puan Siti Sarah binti Mohd Yahya, Penolong Pegawai Undang-Undang dan Encik Zulkifli bin Md Dom, Penolong Pegawai Teknologi Maklumat, MPAJ. Lawatan kerja ini telah diketuai oleh Puan Nurliyana binti Md Ashri, Pegawai Undang-Undang L41.

Taklimat yang diberikan adalah mengenai pengurusan kes pendakwaan dan pembangunan sistem pendakwaan, pengurusan perjanjian dan pembangunan sistem perjanjian diberikan oleh Jabatan Undang-Undang dan Bahagian Teknologi Maklumat, MPAJ. MBIP mengadakan lawatan tersebut bagi perkongsian idea untuk pembangunan sistem kes dan dokumen pendakwaan, menukar pandangan dalam pengurusan kes pendakwaan dan perjanjian. Selain itu, fokus lawatan untuk meningkatkan tahap profesionalisme di kalangan pegawai Pihak Berkuasa Tempatan dan menjalankan ikatan ukhuwah di kalangan warga kerja PBT.



Lawatan kerja Majlis Bandaraya Iskandar Puteri (MBIP) ke Majlis Perbandaran Ampang Jaya (MPAJ) pada 13 Februari 2020 (Khamis) bertempat di bilik Mesyuarat Tanjung, aras 16, Menara MPAJ

TAKLIMAT DAN PROSES UNDIAN PETAK BAZAR RAMADAN 2020

Oleh : Noradah binti Amir

Lanjutan daripada Proses Penyerahan Borang Bazar Ramadan 2020 yang telah diadakan sebelum ini pada 29 dan 30 Januari 2020, satu program taklimat dan proses undian petak Bazar Ramadan 2020 telah diadakan pada 18 dan 19 Februari 2020 di Dewan Serbaguna MBIP, Skudai. Majlis perasmian telah disempurnakan oleh Yang Berbahagia Tuan Haji Salehuddin bin Haji Hassan, Datuk Bandar Iskandar Puteri dan turut menyampaikan apron dan topi kepada wakil peniaga. Turut hadir sama, Puan Azurawati binti Wahid, Setiausaha MBIP. Taklimat kebersihan telah disampaikan oleh pegawai daripada SWCorp manakala taklimat keperluan menjaga kebersihan semasa menjalankan perniagaan telah disampaikan oleh Puan Nurulain binti Rahmat, Ketua Jabatan Kesihatan Awam, MBIP.



SESI DIALOG “TOWN HALL”**MBIP PEMANGKIN DALAM PEMBANGUNAN KEPENTINGAN KEMUDAHAN GOLONGAN KELAINAN UPAYA (OKU) DENGAN KERJASAMA PERTUBUHAN IBU BAPA ANAK-ANAK ISTIMEWA**

Oleh: Nur Fazira binti Mohamad Isa

Majlis Bandaraya Iskandar Puteri (MBIP) telah menganjurkan Sesi Dialog 'Town Hall' MBIP Pemangkin dalam Pembangunan Kepentingan Kemudahan Golongan Kelainan Upaya (OKU) dengan kerjasama Pertubuhan Ibu Bapa Anak-Anak Istimewa pada 16 Februari 2020 di Bilik Audio, Dewan Serbaguna Skudai, MBIP. Sebanyak 16 buah sekolah kerajaan yang menawarkan pendidikan aliran khas dalam kawasan Iskandar Puteri turut dijemput.

Panel yang terlibat dalam sesi dialog ini adalah Cik Haryanti binti Abdol Rahman, Ketua Jabatan Bangunan, Encik Zamir bin Buang (Jabatan Kejuruteraan), Puan Siti Aisyah binti Ahmad (Jabatan Landskap), Puan Nor Faezah binti Noh (Jabatan Perancang) dan Dr Shahabudin bin Abdulla (Timbalan Pengurus GIAT).

Objektif bagi pelaksanaan program ini adalah membina kerjasama antara PBT, masyarakat dan golongan penyelidik. Selain itu, membantu sekolah-sekolah aliran Pendidikan Khas di dalam kawasan Iskandar Puteri untuk meneruskan aktiviti dengan lebih baik seterusnya membina masyarakat saling membantu yang akan bersama-sama memperjuangkan keperluan khas golongan kelainan upaya.

Di samping itu juga, usaha dan kerjasama yang murni ini membolehkan PBT memahami dengan lebih jelas keperluan-keperluan dan isu-isu golongan oku sekali gus memperkasa Pelan Tindakan OKU 2016-2020 KPWKM.

**SEMINAR PEMANTAPAN PEMAHAMAN MANUAL OSC 3.0 “PLUS” KEPADA PIHAK BERKUASA TEMPATAN BAGI NEGERI JOHOR**

Oleh: Rahila binti Anang Berahim

Jabatan Kerajaan Tempatan, Kementerian Kerajaan Tempatan (JKT, KPKT) telah menguar-uarkan mengenai penambahbaikan OSC “Online” dan memperkenalkan OSC 3.0 “Plus Online” (versi baharu) untuk dilaksanakan di semua Pihak Berkuasa Tempatan (PBT) Semenanjung Malaysia bermula November 2018. Sembilan (9) buah PBT telah dipilih untuk menjadi perintis fasa pertama bagi memulakan program tersebut.

Pada 27 Disember 2019, Majlis Bandaraya Iskandar Puteri (MBIP) antara PBT yang terpilih sebagai perintis fasa kedua untuk melaksanakan OSC 3.0 “Plus Online”. Sebagai langkah awal, Pihak Unit Pusat Sehenti (OSC) telah menjadi urus setia bagi menjayakan Seminar Pemantapan Pemahaman Manual OSC 3.0 “Plus” kepada Pihak Berkuasa Tempatan (PBT) Negeri Johor anjuran Jabatan Kerajaan Tempatan, Kementerian Perumahan dan Kerajaan Tempatan (JKT, KPKT) pada 17 Februari 2020 di Bilik Tayangan, Bangunan Dato’ Jaafar Muhammad.

Seminar ini telah dirasmikan oleh YBhg. Tuan Haji Salehuddin Bin Haji Hassan, Datuk Bandar Iskandar Puteri selaku tuan rumah yang menjayakan program tersebut dan dihadiri seramai 120 orang pegawai daripada 16 buah PBT di negeri Johor yang terdiri daripada pegawai dari Unit Pusat Sehenti (OSC), Bahagian Perancangan dan Pembangunan, Bahagian Kejuruteraan, Bahagian Bangunan, Bahagian Penguatkuasaan dan Bahagian Landskap. Tujuan pelaksanaan seminar ini diadakan untuk memberi pemahaman yang lebih mendalam mengenai prosedur baharu Sistem OSC 3.0 “Plus Online” yang dilaksanakan pada tahun 2020.



MESYUARAT JAWATANKUASA PELAKSANAAN BANCI PENDUDUK DAN PERUMAHAN MALAYSIA 2020 DAERAH (JKPBD) JOHOR BAHRU 2

Oleh: Editor

Jabatan Perangkaan Malaysia, Negeri Johor telah mengadakan Mesyuarat Jawatankuasa Pelaksanaan Banci Penduduk dan Perumahan Malaysia 2020 Daerah (JKPDB) Johor Bahru 2 (MBIP) Bil. 1/2020 bersama Penguasa Daerah bagi kawasan pentadbiran Majlis Bandaraya Iskandar Puteri diadakan pada 20 Februari 2020 (Ahad) jam 10.00 pagi di Dewan Mesyuarat Aras 10, MBIP.

Mesyuarat telah dipengerusikan oleh Tuan Haji Salehuddin bin Haji Hassan, Datuk Bandar Iskandar Puteri dan turut hadir Puan Azurawati binti Wahid, Setiausaha MBIP. Mesyuarat diadakan bertujuan untuk sesi perkenalan bersama kakitangan Jabatan Perangkaan dan menerangkan dengan lebih lanjut berkenaan bancian kepada penguasa daerah.



MAJLIS PERASMIAN “NOBLE SUPERMART” CAWANGAN KE-10

Oleh: Editor

Datuk Bandar Majlis Bandaraya Iskandar Puteri, Tuan Haji Salehuddin bin Haji Hassan telah diundang dalam Majlis Perasmian Noble Supermart Cawangan ke-10 yang diadakan pada 27 Februari 2020 (Khamis) pada jam 11.00 pagi untuk merasmikan Noble Supermart di Afiniti Residensi, Medini. Turut hadir bersama Puan Azurawati binti Wahid, Setiausaha MBIP dan Ahli Majlis MBIP, Encik Choong Thong Yuen bagi menjayakan majlis tersebut.



KUNJUNGAN HORMAT KETUA POLIS JOHOR KE MBIP

Oleh: Editor

Pada 11 Mac 2020, Yang Berbahagia Tuan Haji Salehuddin bin Haji Hassan, Datuk Bandar Iskandar Puteri telah menerima kunjungan hormat daripada YDH CP Dato' Ayob Khan Bin Mydin Pitchay, Ketua Polis Johor ke Majlis Bandaraya Iskandar Puteri. Turut hadir sama YDH SAC Md. Yusof Bin Ahmad, Ketua Jabatan Siasatan Jenayah (JSJ) Johor dan YDH DSP Mohd Zairi bin Badderul @ Badrol, Pegawai Turus (D7) JSJ Johor. Tujuan kunjungan hormat diadakan bagi memperkasakan dan mempereratkan hubungan kerjasama antara Polis Diraja Malaysia (PDRM) dengan Majlis Bandaraya Iskandar Puteri.



OPERASI TINDAKAN SITAAN

Oleh: Editor

Unit Tunggakan Jabatan Penilaian dan Pengurusan Harta, Unit Undang-Undang dan Unit Cukai Jabatan Penguatkuasaan, MBIP telah melaksanakan operasi tindakan sitaan mengikut Akta Kerajaan Tempatan 1976 (AKTA 171) Seksyen 148 terhadap premis-premis perniagaan di kawasan MBIP pada 11 Mac 2020 dan 12 Mac 2020 di Taman Pulai Perdana dan Taman Universiti.



Operasi Sitaan Cukai Harta yang diadakan pada 11 Mac 2020



Operasi Sitaan Cukai Harta diadakan pada 12 Mac 2020

LAWATAN KERJA DEWAN BANDARAYA KUALA LUMPUR (DBKL) KE MAJLIS BANDARAYA ISKANDAR PUTERI

Oleh: Norlin binti Haji Mohd Zam

Lawatan kerja Dewan Bandaraya Kuala Lumpur (DBKL) ke Majlis Bandaraya Iskandar Puteri telah diadakan pada 17 Mac 2020 (Selasa) jam 10.30 pagi dengan penglibatan seramai 11 orang pegawai dan kakitangan dari MBIP serta 9 orang kakitangan DBKL. Lawatan ini telah diketuai oleh Puan Fadzilah binti Abdul Rashid, Pengarah Jabatan Undang-Undang dan Pendakwaan sebagai Ketua Delegasi dari Dewan Bandaraya Kuala Lumpur (DBKL) manakala Puan Nur Huda binti Sanusi, Pegawai Undang-Undang, MBIP mewakili kakitangan Majlis Bandaraya Iskandar Puteri. Turut hadir memberi ucapan alu-aluan adalah Puan Azurawati binti Wahid, Setiausaha Majlis Bandaraya Iskandar Puteri.

Pengenalan Unit Undang-Undang, MBIP telah disampaikan oleh Puan Nur Huda binti Sanusi selaku Ketua Unit Undang-Undang manakala taklimat mengenai Proses Pelantikan Panel Peguam melalui kaedah perolehan sebut harga di Unit Undang-Undang disampaikan oleh Puan Nurliyana binti Md Ashri, Pegawai Undang-Undang, MBIP. Seterusnya, taklimat ringkas mengenai proses perolehan di Unit Perolehan MBIP disampaikan oleh Encik Norhalis bin Mohd Saat, Ketua Unit Perolehan, MBIP.

Tujuan pelaksanaan lawatan diadakan untuk meneliti Kertas Perakuan yang disediakan oleh Unit Undang-Undang bagi tujuan pelantikan panel peguam MBIP bagi tahun 2019, mempelajari kaedah dan prosedur berhubung penetapan syarat-syarat pelantikan dan meneliti kaedah pelantikan melalui proses sebut harga dalam Jawatankuasa Kewangan. Selain itu, turut memberi perkongsian ilmu (knowledge sharing) dan maklumat berkaitan pelaksanaan prosedur pelantikan panel peguam sedia ada pada tahun 2019 dan 2020.



HARI TERAKHIR PERSARAAN PUAN HAJAH MARIAM BINTI HAJI AHMAD KETUA JABATAN KHIDMAT PENGURUSAN, MBIP

Oleh: Editor

Puan Hajah Mariam binti Haji Ahmad telah dilahirkan pada 20 Mac 1960. Beliau memulakan karier sebagai Pegawai Kerani Rendah pada 1 April 1981. Pada 1 Oktober 1990 beliau telah dilantik ke jawatan Pegawai Kerani Tingkatan Biasa seterusnya pada 1 Januari 1992 telah ditukar ke skim Pembantu Tadbir (Perkeranian/Operasi) Gred N9.

Pada 1 Oktober 2000 beliau telah dilantik sebagai Penolong Pegawai Tadbir Gred N6 yang kemudiannya ditukar ke Gred N27 pada 1 November 2002. Pada 15 April 2008 beliau telah dinaikkan pangkat ke jawatan Penolong Pegawai Tadbir Gred N32. Beliau telah dinaikkan pangkat ke jawatan Pegawai Tadbir Gred N41 pada 1 Februari 2009 dan seterusnya ke Gred N44 pada 1 Januari 2012. Pada 1 September 2016 beliau dinaikkan pangkat ke jawatan Pegawai Tadbir Gred N48.



Sepanjang perkhidmatan beliau di MBIP, beliau telah dikurniakan Pingat Ibrahim Sultan Pangkat Kedua (PIS II) sempena Ulang Tahun Hari Keputeraan Baginda Sultan Iskandar Ibni Almarhum Sultan Ismail, Sultan Yang Dipertuan Bagi Negeri Dan Jajahan Takluk Johor Darul Ta'zim yang ke 71 pada 08 April 2003.

Beliau juga telah dikurniakan Tambang Haji Percuma dan telah menunaikan Fardhu Haji pada tahun 2016. Pencapaian dan sumbangan beliau semasa berkhidmat di MBIP telah melayakkan beliau untuk menerima Anugerah Hari Kualiti bagi tahun 2003, 2004, 2005, 2006, 2013 dan 2016.

Beliau bersara wajib pada 20 Mac 2020 pada umur 60 tahun. Jawatan terakhir beliau ialah Pegawai Tadbir Gred N52. Jabatan Khidmat Pengurusan merupakan jabatan terakhir tempat beliau bertugas. Tempoh perkhidmatan beliau ialah 38 tahun 11 bulan 16 hari.



SARINGAN KESIHATAN DI PEJABAT MAJLIS BANDARAYA ISKANDAR PUTERI

Oleh: Editor

Pada 15 Mac 2020, Majlis Bandaraya Iskandar Puteri mula mengambil langkah berjaga-jaga apabila melakukan saringan kesihatan terhadap pelanggan dan kakitangan di pejabat Majlis Bandaraya Iskandar Puteri bagi mengekang penularan wabak Covid-19. Selain itu, pihak majlis juga menyediakan cecair pembasmi kuman (hand sanitizer) sebagai langkah pencegahan awal.

Pihak majlis juga menjalankan kerja-kerja sanitasi di pejabat MBIP sebagai salah satu usaha mencegah penularan wabak berkenaan. Masyarakat khususnya warga Bandaraya Iskandar Puteri adalah diingatkan untuk sentiasa mengamalkan langkah-langkah pencegahan yang disarankan oleh Kementerian Kesihatan Malaysia.



OPERASI SANITASI DI BANGUNAN MAJLIS BANDARAYA ISKANDAR PUTERI

Oleh: Editor

Jabatan Kesihatan Awam telah melaksanakan kerja-kerja operasi sanitasi awam dan disinfeksi di seluruh Bangunan Majlis Bandaraya Iskandar Puteri termasuk Depoh Kenderaan MBIP bagi mengekang penularan wabak Covid-19.

Operasi sanitasi dilaksanakan bagi mencegah dan membendung penularan wabak Covid-19. Langkah ini selaras dengan saranan Kementerian Kesihatan Malaysia (KKM) bagi memastikan keselamatan serta kesejahteraan penduduk sekitar sentiasa diutamakan dan terpelihara dari wabak ini.



OPERASI PEMANTAUAN PREMIS PERNIAGAAN

Oleh: Siti Rafidah binti Idris

Majlis Bandaraya Iskandar Puteri telah menjalankan operasi pemantauan terhadap premis-premis perniagaan pada 20 Mac 2020 di Taman Universiti, Taman Nusantara dan Taman Bukit Indah. Tujuan operasi dijalankan untuk memastikan setiap premis mematuhi peraturan dan garis panduan yang telah dikeluarkan oleh MBIP dan Majlis Keselamatan Negara (MKN). Operasi ini telah melibatkan Jabatan Penguatkuasaan, Jabatan Kesihatan Awam MBIP bagi memastikan operasi berjaya diadakan.

Setelah 3 hari beroperasi, sebanyak 256 premis perniagaan, 29 penjaja, 26 kilang dan 2 kerja binaan telah diperiksa dan didapati sebanyak 68 notis bertulis dan 1 notis henti niaga telah dikeluarkan kepada premis perniagaan yang gagal mematuhi arahan yang telah dikeluarkan. Pihak majlis memandang serius dan akan mengambil tindakan tegas pada mana-mana premis perniagaan yang gagal mematuhi arahan yang telah dikuatkuasakan. Kerjasama semua pihak amat diharapkan bagi sama-sama membendung penularan virus Covid-19 yang semakin meningkat sehingga menyebabkan kematian.



DISINFEKSI BERJADUAL DI PASAR AWAM TAMAN UNIVERSITI DAN PASAR AWAM TAMAN PERLING

Oleh: Siti Rafidah binti Idris

Jabatan Kesihatan Awam, MBIP telah menjalankan kerja-kerja disinfeksi di Pasar Awam Taman Perling dan Pasar Awam Taman Universiti setiap hari mulai 24 hingga 31 Mac 2020 bermula jam 3.00 petang sehingga 8.00 malam. Kerja-kerja disinfeksi berjadual diadakan bertujuan bagi memastikan langkah-langkah pencegahan penularan Covid-19 sentiasa dilaksanakan terutamanya di premis perniagaan milik MBIP. Pihak majlis turut mendapat kerjasama dari agensi luar iaitu Jabatan Bomba dan Penyelamat Malaysia, SWCorp dan SWM Environment bagi membantu menjayakan disinfeksi tersebut.



PROGRAM GOTONG-ROYONG PERDANA

Oleh: Siti Rafidah binti Idris

Jabatan Kesihatan Awam dan SWM Environment Sdn. Bhd telah mengadakan Program Gotong-Royong Perdana pada 15 Januari 2020 dengan kerjasama penduduk kawasan sekitar Jalan Batai Kangkar Pulai. Tujuan pelaksanaan gotong-royong diadakan untuk membersihkan kawasan sekitar yang boleh menyebabkan pembiakan nyamuk aedes.



PROGRAM GOTONG-ROYONG BERSAMA PENYEWA DI GERAI JALAN PEKAKA, TAMAN PERLING

Oleh: Siti Rafidah binti Idris



Lanjutan daripada kerja-kerja pembersihan yang telah dilaksanakan sebelum ini oleh Bahagian Pengurusan Harta pada 16 Februari 2020, satu program gotong-royong bersama penyewa gerai dengan kerjasama SWM Environment Sdn. Bhd telah diadakan pada 20 Februari 2020 jam 10.00 pagi di Gerai Jalan Pekaka, Taman Perling.

“HANDS ON” TATACARA PEROLEHAN KERAJAAN

Oleh: Antasya binti Mohamed

Unit Latihan dan Pembangunan Kerjaya telah mengadakan “Hands On” Tatacara Perolehan Kerajaan yang diadakan pada 23 Februari 2020 bertempat di Dewan Serbaguna Skudai, MBIP dan telah dihadiri seramai 30 orang peserta. MBIP telah menjemput pihak Jabatan Akauntan Negara, Jabatan Audit Negara dan Pejabat Perbendaharaan Negeri Johor bagi memberikan taklimat dan turut serta dalam kursus ini. Kursus telah dikendalikan oleh Encik Mohd Serjana bin Ibrahim dari Jabatan Audit Negara Negeri Johor. Tujuan pelaksanaan kursus diadakan untuk meningkatkan pengetahuan dan kefahaman peserta berkaitan perolehan kerajaan serta mengamalkan tatacara yang betul dalam menguruskan perolehan.



LATIHAN MENEMBAK DAN MEMPERBAHARUI LESEN SENJATA API

Oleh: Antasya binti Mohamed

Latihan Menembak dan Memperbaharui Lesen Senjata Api telah diadakan pada 23 Februari 2020 bertempat di Padang Sasar Persatuan Menembak Clay Target, Ladang Rem, Kota Tinggi dan disertai seramai 9 orang peserta. Kursus ini diadakan bertujuan untuk memberi latihan dan pendedahan kepada kakitangan yang terlibat dalam tugas menembak, tentang keselamatan diri semasa bertugas dan senjata api serta pembaharuan lesen senjata api.

KURSUS PENGENALAN MS ISO 9001:2015

Oleh: Antasya binti Mohamed

Kursus Pengenalan MS ISO 9001:2015 telah diadakan pada 2 Mac 2020 bertempat di Bilik Sri Mawar, Dewan Serbaguna Skudai dan dihadiri seramai 56 orang peserta. Kursus ini telah disampaikan oleh penceramah Cik Hanida binti Ghazali iaitu Pengasas HG Skills Enterprise. Kursus ini diadakan bagi memberi pendedahan dan pengetahuan kepada kakitangan baharu tentang MS ISO 9001:2015. Melalui kursus ini peserta dapat meningkatkan maklumat berhubung keperluan dan menerapkan hubungan di antara ISO 9001:2015 dengan perkhidmatan Pihak Berkusa Tempatan.



KURSUS PENGURUSAN PEROLEHAN KERAJAAN

Oleh: Antasya binti Mohamed

Unit Latihan dan Pembangunan Kerjaya, Bahagian Sumber Manusia telah mengadakan Kursus Pengurusan Perolehan Kerajaan selama 2 hari iaitu pada 27 dan 28 Januari 2020 di Dewan Serbaguna Skudai, MBIP dan dihadiri seramai 53 orang. Taklimat disampaikan oleh penceramah jemputan iaitu Puan Nirmala Devi A/P Thirumalai dan Puan Rohaiza binti Hosni, Akauntan dari Jabatan Akauntan Negara Malaysia, Negeri Johor.

Kursus ini diadakan bertujuan untuk meningkatkan pengetahuan dan pemahaman mengenai proses perolehan kepada semua lantikan baharu Jawatankuasa Perolehan Majlis Bandaraya Iskandar Puteri. Selain itu, memastikan peserta kursus mematuhi undang-undang, peraturan, tatacara dan garis panduan yang telah ditetapkan serta mengambil kira prinsip dan dasar semasa Kerajaan dalam penyediaan dokumen perolehan. Melalui kursus ini, peserta dapat melaksanakan tugas secara bertanggungjawab, telus cekap dan berkesan serta dapat memberi nilai faedah yang terbaik dan menguntungkan kepada organisasi dan kerajaan. Di akhir kursus, peserta yang menguruskan proses perolehan dapat memahami proses secara menyeluruh.

KURSUS PENTAUERIAHAN PENYELAMAT KELEMASAN

Oleh: Antasya binti Mohamed

Kursus Pentauerian Penyelamat Kelemasan telah dibahagikan kepada 3 siri iaitu pada 3 hingga 5 Februari 2020, 10 hingga 12 Februari 2020 dan 17 hingga 20 Februari 2020 yang diadakan di Kolam Renang Kompleks Bukit Mutiara, Taman Bukit Mutiara. Kursus ini telah melibatkan seramai 17 orang peserta dan taklimat telah disampaikan oleh Encik Jeffrey Aziz, Pengurus Persatuan Penyelamat Kelemasan Johor.

Kursus ini merupakan kesinambungan daripada Kursus Penyelamat (Asas dan Pertengahan) yang telah diadakan pada tahun 2019. Kursus ini penting bagi mengiktiraf kakitangan Majlis terutamanya yang bertugas di Kolam Renang dan terlibat dengan penyelamatan mendapatkan pentauerian penyelamat Kelemasan (Bronze Medal). Melalui kursus ini, peserta juga dapat meningkatkan tahap kemahiran atau skill penyelamatan di dalam air, selain dapat mengetahui teknik-teknik pengapungan dan renangan yang betul serta meningkatkan keyakinan peserta untuk menyelamat dan berenang.

KURSUS “MICROSOFT OFFICE” (WORD, POWER POINT & EXCEL)

Oleh: Antasya binti Mohamed

Kursus Microsoft Office (Word, Power Point & Excel) telah diadakan pada 11 dan 12 Februari 2020 bertempat di Dewan Serbaguna Skudai, MBIP dan dihadiri seramai 39 orang peserta. Kursus ini telah disampaikan oleh penceramah iaitu Cik Yap Pei Yi dari syarikat perunding SRKK Selatan Sdn Bhd.

Matlamat utama kursus diadakan untuk memberikan kemahiran dan pendedahan kepada peserta tentang kepentingan dan penggunaan Microsoft Office dengan lebih mendalam. Selain itu, melalui kursus ini peserta dapat diberikan pendedahan secara praktikal tentang penggunaan perisian dan meningkatkan lagi kemahiran asas ICT anggota dalam menggunakan teknologi ICT dalam urusan seharian seiring dengan kemajuan teknologi pada masa kini.

BENGKEL PELAN PERANCANGAN STRATEGIK MBIP 2021-2025 SIRI IV DAN V

Oleh: Antasya binti Mohamed

Bengkel Pelan Perancangan Strategik MBIP 2021-2025 Siri IV dan V telah dibahagikan kepada 2 siri iaitu pada 9 dan 13 Februari 2020 bertempat di Dewan Mesyuarat, Bangunan MBIP. Kursus ini telah dikendalikan oleh Puan Chew Lee Ting, Pegawai Perancang Bandar dan Desa, Jabatan Perancangan Pembangunan MBIP yang melibatkan seramai 46 orang kakitangan MBIP. Kursus diadakan bagi membincangkan status terkini Pelan Perancangan Strategik MBIP 2021-2025 di setiap jabatan/ bahagian/ unit. Para peserta adalah terdiri dari Ketua Jabatan/ Bahagian/ Unit serta pegawai yang terlibat di jabatan masing-masing.



KURSUS INTEGRITI: TUMBUK RUSUK SIRI 1 DAN 2

Oleh: Antasya binti Mohamed

Kursus Integriti: Tumbuk Rusuk Siri 1 dan 2 telah dibahagikan kepada 2 siri iaitu pada 10 dan 11 Mac 2020 di Bilik Sri Mawar, Dewan Serbaguna MBIP, Skudai dan dihadiri seramai 104 orang peserta. Kursus ini telah dikendalikan oleh penceramah Encik Mohd Firdaus bin Ramlan, perunding dari CJ Global Venture. Fokus utama kursus ini diadakan untuk memberi kefahaman kepada kakitangan bagi menjadikan integriti sebagai asas kecemerlangan serta melahirkan penjawat awam yang tulus, ikhlas dan seronok berbakti kepada rakyat dan negara. Selain itu, melalui kursus ini penjawat awam dapat melaksanakan amanah dan kuasa yang dipertanggungjawab menurut kepentingan umum.



BENGKEL PELAN PERANCANGAN STRATEGIK MBIP 2021-2025

Oleh: Antasya binti Mohamed

Bengkel Pelan Perancangan Strategik MBIP 2021-2025 diadakan pada 10 dan 11 Mac 2020 bertempat di Dewan Endau Senai, Hotel Impiana, Senai yang dihadiri seramai 41 orang peserta. Kursus ini telah disampaikan oleh Dr. Shathess A/L Baskaran, Pensyarah Kanan DS 51, Universiti Teknologi Malaysia (UTM).

Bengkel ini diadakan sebagai satu pendekatan pengurusan untuk mencapai kecemerlangan organisasi. Ia dilaksanakan melalui proses penetapan hala tuju, mengenal pasti isu-isu strategik serta penggubalan strategik-strategik ke arah pencapaian objektif organisasi yang disasarkan. Melalui bengkel ini, peserta akan dapat memahami konsep penilaian dan pengurusan penilaian sebagai pemangkin perancangan strategik.

KURSUS MOTIVASI PENGURUSAN STRESS

Oleh: Antasya binti Mohamed

Kursus Motivasi: Pengurusan Stress telah diadakan pada 17 Mac 2020 di Dewan Serbaguna Skudai yang dihadiri seramai 85 orang peserta. Kursus ini telah disampaikan oleh Ustaz Ahmad Saifullah bin Dato' Haji Mohd Nor Afandi, Pengarah Urusan Saif Smart Resources. Kursus dengan kerjasama Puspanita MBIP ini diadakan untuk memberi peluang kepada peserta untuk menjadi tenang, bahagia dan sentiasa meletakkan diri dalam bersyukur dengan segala nikmat yang ada serta meletakkan matlamat berjaya di dunia dan akhirat. Asas pembelajaran berteraskan formula-formula kejayaan dari Asma Ul-Husna dan Rasulullah sebagai Qudwah bersama gabungan modul berprestasi tinggi aplikasi Neuro Linguistic Programming (NLP). Melalui kursus ini peserta akan diberi panduan mengenai Teknik Bersyukur, Teknik Berdamai dengan masa lalu, Teknik Mensucikan Hati dan Teknik Menemukan Magnet Aura Diri.



KEJOHANAN BADMINTON BERPASUKAN LELAKI ANTARA JABATAN DAN BEREGU WANITA TERBUKA MAJLIS BANDARAYA ISKANDAR PUTERI 2020

Oleh: Abd. Halim bin Mohd Sulaiman

Biro Badminton di bawah Kelab Sukan dan Kebajikan MBIP telah menjayakan Kejohanan Badminton Berpasukan Lelaki antara Jabatan dan Beregu Wanita Terbuka Majlis Bandaraya Iskandar Puteri 2020. Kejohanan ini merupakan acara dwi-tahunan biro untuk tahun 2020 yang bertujuan untuk mencari bakat-bakat baru pemain yang mampu mewakili Majlis Bandaraya Iskandar Puteri di kejohanan-kejohanan luar. Selain itu, kejohanan ini secara tidak langsung dapat mewujudkan gaya hidup sihat dalam kalangan kakitangan MBIP.

Kejohanan Badminton Berpasukan Lelaki antara Jabatan dan Beregu Wanita Terbuka Majlis Bandaraya Iskandar Puteri telah berlangsung pada 1 Mac 2020 hingga 12 Mac 2020 di Dewan Serbaguna MBIP, Skudai. Terdapat 2 kategori telah dipertandingkan iaitu kategori Lelaki Berpasukan dan kategori Beregu Wanita Terbuka. Majlis penyampaian hadiah telah disempurnakan oleh Tuan Setiausaha merangkap Yang Dipertua, Kelab Sukan & Kebajikan MBIP iaitu Puan Azurawati Binti Wahid.

Berikut adalah keputusan pemenang kejohanan badminton bagi tahun 2020:

1) Kategori Berpasukan

- | | |
|------------|---------------------------|
| Johan | -EFC 'A' (RM700 + piala) |
| Naib Johan | -Landskap (RM500 + piala) |
| Ke-3 | -JPPH (RM200) |
| Ke-4 | -EFC 'B' (RM200) |

2) Kategori Beregu Wanita Terbuka

- | | |
|------------|---|
| Johan | -Puan Rosmawani / Puan Asmidah (RM200) |
| Naib Johan | -Cik Siti Morni / Puan Khairunishak (RM150) |
| Ke-3 | -Puan Siti Salihah / Puan Norzaimah (RM100) |
| Ke-4 | -Puan Subhasini / Puan Norazlin (RM100) |



KAKITANGAN BERSARA

Oleh: Antasya binti Mohamed

Pihak Majlis merakamkan ucapan penghargaan kepada kakitangan berikut yang telah bersara atas sumbangan yang diberikan kepada pihak Majlis

SITI KOMARIAH BINTI HAJI SHAFIE

JAWATAN : PEMBANTU TADBIR (P/O)
TARIKH BERSARA : 1 Januari 2020
JABATAN TERAKHIR : JABATAN PENILAIAN DAN PENGURUSAN HARTA

**TUAN HAJI YAHYA HAJI BIN HASSAN**

JAWATAN : JURUTERA
TARIKH BERSARA : 1 Februari 2020
JABATAN TERAKHIR : JABATAN KEJURUTERAAN

**SULANDHI A/L MADASAMY**

JAWATAN : PEMBANTU OPERASI
TARIKH BERSARA : 4 Mac 2020
JABATAN TERAKHIR : JABATAN KEJURUTERAAN

**PUAN HAJAH MARIAM BINTI AHMAD**

JAWATAN : PEGAWAI TADBIR
TARIKH BERSARA : 20 Mac 2020
JABATAN TERAKHIR : JABATAN KHIDMAT PENGURUSAN

**HAJAH SHURYATI BINTI AHMAD**

JAWATAN : PENOLONG JURUTERA
TARIKH BERSARA : 22 Mac 2020
JABATAN TERAKHIR : JABATAN KEJURUTERAAN

**PELANTIKAN KAKITANGAN BAHRU (TETAP / KONTRAK)**

Oleh: Antasya binti Mohamed

Majlis Bandaraya Iskandar Puteri telah membuat pengambilan kakitangan baharu bagi mengisi kekosongan jawatan. Syabas dan tahniah diucapkan kepada mereka yang telah dilantik dalam perkhidmatan awam. Pihak Majlis berharap agar mereka dapat menjalankan tugas yang diberikan dengan penuh dedikasi, amanah dan tanggungjawab.

Butiran kakitangan adalah sebagaimana berikut:

NAMA : **SAFWAN BIN SHAARI**
JAWATAN : PEGAWAI PERANCANG BANDAR DAN DESA GRED J41 (TETAP)
JABATAN : JABATAN PERANCANGAN PEMBANGUNAN



NAMA : **SITI KHADIJAH BINTI MD LAZIM**
JAWATAN : PEGAWAI UNDANG-UNDANG GRED L41(KONTRAK)
JABATAN : UNIT UNDANG-UNDANG



NAMA : **MOHAMAD NASHRUDIN BIN MOHD ARIS**
JAWATAN : PENOLONG ARKITEK LANDSKAP GRED JA29 (KONTRAK)
JABATAN : JABATAN PERANCANGAN PEMBANGUNAN



NAMA : **ARIF AMIRUDDIN BIN ABD HALIM**
JAWATAN : PEMBANTU PENGUATKUASA GRED KP19 (KONTRAK)
JABATAN : JABATAN PENGUATKUASAAN



NAMA : **MOHAMAD NOR AZMAN BIN ATAN**
JAWATAN : PEMBANTU PENGUATKUASA GRED KP19 (KONTRAK)
JABATAN : JABATAN PENGUATKUASAAN



NAMA : **SUMITHIRAN A/L NEDUN CHERALATHAN**
JAWATAN : PEMBANTU PENGUATKUASA GRED KP19 (KONTRAK)
JABATAN : JABATAN PENGUATKUASAAN



NAMA : **AHMAD IQMAL BIN IBRAHIM**
JAWATAN : PEMBANTU AWAM GRED H11 (KONTRAK)
JABATAN : JABATAN KESIHATAN AWAM



NAMA : **MD JEFFRI BIN JAFFAR**
JAWATAN : PEMBANTU AWAM GRED H11 (KONTRAK)
JABATAN : JABATAN KESIHATAN AWAM



NAMA : **MOHAMAD ASNAWI BIN AZMI**
JAWATAN : PEMBANTU AWAM GRED H11 (KONTRAK)
JABATAN : JABATAN KESIHATAN AWAM



NAMA : **ZULFAQAR BIN MOHD IBRAHIM**
JAWATAN : PEMBANTU AWAM GRED H11 (KONTRAK)
JABATAN : JABATAN KESIHATAN AWAM



NAMA : **MUHAMMAD SYARIZAN BIN ZULKIFLI**
JAWATAN : PEMBANTU AWAM GRED H11 (KONTRAK)
JABATAN : JABATAN KESIHATAN AWAM



NAMA : **MOHAMMAD FARHAN FIRDAUS BIN HAJI NGADIMAN**
JAWATAN : PEMBANTU AWAM GRED H11 (KONTRAK)
JABATAN : BAHAGIAN PENGURUSAN HARTA



NAMA : **MUHAMMAD FAWWAZ BIN ZUHARI**
JAWATAN : PEMBANTU AWAM GRED H11 (KONTRAK)
JABATAN : BAHAGIAN PENGURUSAN HARTA



NAMA : **MUHAMMAD IRFAN BIN MOHD NIZAM**
JAWATAN : PEMBANTU AWAM GRED H11 (KONTRAK)
JABATAN : BAHAGIAN PENGURUSAN HARTA



NAMA : **MOHAMMAD SAKIRIN SYAH BIN JUMA'AT**
JAWATAN : PEMBANTU AWAM GRED H11 (KONTRAK)
JABATAN : JABATAN BANGUNAN



NAMA : **MOHD FAZNUR FAIRUS BIN A.RAHIM**
JAWATAN : PEMBANTU AWAM GRED H11 (KONTRAK)
JABATAN : JABATAN KEJURUTERAAN



NAMA : **MOHD REDZUAN BIN JALIL**
JAWATAN : PEMBANTU AWAM GRED H11 (KONTRAK)
JABATAN : JABATAN KEJURUTERAAN



NAMA : **MOHD FAHRUR ARIFFIN BIN AMRAN**
JAWATAN : PEMBANTU AWAM GRED H11 (KONTRAK)
JABATAN : UNIT PUSAT SEHENTI (OSC)



NAMA : **NOOR AFFENDY BIN MD KASIM**
JAWATAN : PEMBANTU AWAM GRED H11 (KONTRAK)
JABATAN : BAHAGIAN SUMBER MANUSIA



NAMA : **MUHAMAD FAHMI BIN ABDUL HADI**
JAWATAN : PENOLONG ARKITEK LANDSKAPJA29 (TETAP)
JABATAN : JABATAN LANDSKAP



NAMA : **MOHAMAD IZDIHAR BIN ISMAIL**
JAWATAN : PEMBANTU AKAUNTAN W19 (KONTRAK)
JABATAN : JABATAN KEWANGAN



NAMA : **MOHD FARID BIN SEMIN**
JAWATAN : PEMBANTU PENGUATKUASA KP19
JABATAN : JABATAN PENGUATKUASAAN



NAMA : **AHMAD ZAKWAN BIN ZOLKARNAIN**
JAWATAN : PEMBANTU PENGUATKUASA KP19
JABATAN : JABATAN PENGUATKUASAAN



NAMA : **MUHAMMAD AKMAL BIN ZIUDIAN**
JAWATAN : PEMBANTU AWAM GRED H11 (KONTRAK)
JABATAN : BAHAGIAN PENTADBIRAN AM



NAMA : **MOHD ZARUDI BIN OTHMAN**
JAWATAN : PEMBANTU AWAM GRED H11 (KONTRAK)
JABATAN : JABATAN KESIHATAN AWAM



NAMA : **ZULKIFLE BIN MISRAN**
JAWATAN : PEMBANTU AWAM GRED H11 (KONTRAK)
JABATAN : BAHAGIAN PENGURUSAN HARTA



NAMA : **MOHD NOR FAHMI BIN ABU BAKAR**
JAWATAN : PEMBANTU AWAM GRED H11 (KONTRAK)
JABATAN : JABATAN LANDSKAP





Hotline Call Centre

MAJLIS BANDARAYA ISKANDAR PUTERI

1-300-80-5000

ADUAN | PERTANYAAN | MASALAH



SUDAHKAN ANDA MENJELASKAN CUKAI HARTA?

MAJLIS BANDARAYA ISKANDAR PUTERI

SEBARANG PERTANYAAN SILA HUBUNGI :
JABATAN PENILAIAN, UNIT TUNGGAKAN CUKAI
TEL : 07-5555000 FAX : 07-5542644
LAMAN WEB : www.m bip.gov.my
EMAIL : cukai@m bip.gov.my



ELAKKAN :
-DIKENAKAN NOTIS
-HARTA DISITA
-TINDAKAN UNDANG-UNDANG

PENGGAL PERTAMA : 1 JANUARI - 28 FEBRUARI
PENGGAL KEDUA : 1 JULAI - 31 OGOS